

Inatsisissatut siunnersummut oqaaseqaatit**Nalinginnaasumik oqaaseqaatit****1. Siunnersummut tunngaviusut**

Oqaatsinut politikki pillugu Inatsisartut inatsisissaattut siunnersummut isumaliutit aallaavigaat, kalaallit oqaasiisa Kalaallit Nunaanni pisortatigoortumik oqaasiunerat, tak. Kalaallit Nunaanni namminersorneq pillugu inatsimmi § 20, aamma oqaatsit inuaat kulturikkut kinaassusiannut pingaarutilimmik inisisimanermik saniatigut tassaasut inuit akornanni attaveqaqatigiinnermut atortut. Aammattaaq akuerineqarpoq Kalaallit Nunaata inui, pisortatigoortumik oqaatsinik atuisut saniatigut, ilaqarmata oqaatsinik qassiinik atuisunik. Tamanna aallaavigalugu qangali politikkikut kissaataavoq, kalaallit oqaasiinik atuinerup siuarsarnissaa, ilutigisaanillu qualkeerumaneqarluni innuttaasut kalaallit, danskit tuliu oqaasiinik, kalaallit kulturiannik inuaqatigiillu paasisassartaannik ilinniarnissamik pisariaqartitsisut, taama iliornissamut periarfissinneqassasut.

Kalaallit namminersorneq pillugu isumalioqatigiissitaasa isumaliutissiissumminni 2003-meersumi eqqartorpaat, Kalaallit Nunaanni oqaatsitigut politikkip malunnaatilimmik nikissimanera, 1900-kkut affaasa kingulliit ingerlaneranni pisimasoq, tak. isumaliutissiissummi qupp. 161-165. Piffissap pineqartup affaani siullermi danskit oqaasi annertoorujussuarmik salliuutinneqarput, kalaallit oqaasiinik ilinniartitsineq innarlerlugu. Piffissami tamatumani nalinginnaasumik isumaqartoqarpoq kalaallit oqaasii atorunnaarsinnaasut. 1970-ikkut naalerneranni kalaallit oqaasiinik ilinniartitsineq sakkortuumik annertusarneqarpoq, danskit oqaasiinik ilinniartitsineq sallijunnaarsillugu. Taamatut oqaatsinik nikerartumik sallutitsisarnerup kingunerisimavaa, innuttaasut oqaatsitigut tunuliaqutaasa assiginngisitaalernerat.

Namminersorneq pillugu isumalioqatigiissitat isumaliutissiissumminni inassutigaat, kalaallit oqaasi tassaassasut nunami maani pisortatigoortumik oqaatsit. Isumalioqatigiissitat aamma erseqqissarpaat, danskit allamiullu oqaasiinik allanik amigartumik ilisimasaqarneq iliuuseqarfingeqanngikkuni, ilinniartitaanikkut kinguattoornermik sivitsortitsissasoq. Taamaattumik isumalioqatigiissitat siunnersuutigaat iliuuseqartoqassasoq, tassunga ilagitillugu kalaallinut Danmarkimi ilinniagaqartunut kalaallisut ilinniartitsineq, nunatsinni suliffeqarnissaq ataavartumillu sulinissaq taakkununnga kajuminarsaqqullugu.

Nunatsinni Danmarkimilu Naalakkersuisut kalaallit danskillu namminersorneq pillugu isumalioqatigiissitaq pilersippaat, Kalaallit Nunaata Danmarkillu akornanni naligiissutsip annertunerpaamik qularnaarneqarnissaanik, aamma inuaat kalaallit, naalagaaffeqatigiinnerup sinaakkutigisaasa iluanni, namminneq aalajangiisinjaassuseqarnerisa sapinngisamik annertunerpaanngortinneqarnissaanik kissaateqarneq tunngavigalugu.

Kalaallit danskillu namminersorneq pillugu isumalioqatigiissitaata isumaliutissiissummini 2008-meersumi (qupp. 95-99) isumaliutissiissutip 2003-meersup oqaatsit pillugit tunngavigisaa

ingerlateqqippaa. Tamatuma inerneraa Kalaallit Nunaanni namminersorneq pillugu inatsimmi § 20, kalaallit oqaasiisa pisortatigoortumik oqaasiunerannik aalajangiisoq. Namminersorneruneq pillugu inatsimmut 1979-imeersumut sanilliullugu pingaartumik, tunngaviusumik piviusumillu allanguut tassaavoq, kalaallit oqaasii oqaatsitut pingaarnersaasutut inissisimanerminniit, tak.

namminersorneruneq pillugu inatsimmi § 9, imm. 1, oqaaseqatigiit siullit pisortatigoortumik oqaasiulererat. Aammattaaq danskit oqaasiinik atuartitsinermut tunngatillugu namminersorneruneq pillugu inatsimmi § 9, imm. 1, oqaaseqatigiit aappaanni aalajangersakkamut sanilliullugu allanguisoqarpoq, tassani allassimalluni danskit oqaasiinik sukumiisumik atuartitsisoqassasoq. Kalaallit Nunaanni namminersorneq pillugu inatsimmi danskit oqaasiinik atuartitsinissaq pillugu aalajangersagaqanngilaq. Kalaallit Nunaanni namminersorneq pillugu inatsimmi § 20-mut oqaaseqaatini allassimavoq kalaallit oqartussaasuisa oqaatsinik arlalinnik inuiaqatigiinni nunarsuarmiooqataaleriartuinnartumi pisinnaasaqarneq pingaarutilerujussusoq. § 20-mi aalajangersagaq tamanna eqqarsaatigalugu isigineqassaaq taamaattumillu kalaallisut, danskisut tuluttullu sukumiisumik atuartitsisoqartassaaq. Aammattaaq allassimavoq namminersornikkut danskisut oqaatsinillu allanik atuartitsineq inuusuttut kalaallit Danmarkimi nunanilu allani ilinniaqqinnissamut piginnaasaqalerfigisinhaasaat qularnaarneqassasoq.

Kalaallit oqaasiisa pingaarnersaallutik oqaasiunerminniit pisortatigoortumik oqaasiulererannut tunngaviusumik nikinnerat, avataaniit nunassittarnerup sulisussallu tikerarerannut, kiisalu suliassaqarfut ilaanni avataaneersut amerlanerusut tikittalerumaarnissaannut atatillugu isiginiagassaavoq.

Oqaatsitigut akuunerulernissami siunertarineqartoq ilaatigut tassaavoq, oqaatsitigut aporfiiq qaangernissaat, aamma oqaatsinik atuisut akornanni akaareqatigiinnerunissaq, oqaatsitigut ataatsimoornerup pilersinnissaa siunertaralugu, ilutigisaanillu kalaallit oqaasiisa pisortatigoortumik oqaasiunerisa ersarissarneqarnissaat.

Kalaallit oqaasii inuaat kalaallit kulturikkut kinaassusianut qitiusumik ilaapput. Taamaalillutik oqaatsit kulturimik atatitsisutut atuuffeqarput, ataavartitassaallutik, nukitorsagassaallutik ilutigisaanillu ineriartortitassaallutik. Taamattaaq oqaatsit tassaapput attaveqaqatigiinnermut sakkut ineriartorsimanersaat. Siunnersuutip matuma suliaineranut atatillugu, Naalakkersuisut pingaartippaat kalaallit oqaasiisa marloqiusamik - tassalu kulturimik atatitsisutut aamma attaveqaqatigiinnermi sakkutut - inissisimanerisa maluginiarluarneqarnissaat. Oqaatsitigut piginnaasanik amigaateqarnerup inuiaqatigiinni inooqataasinnaanermik mattussiinnanngilaq, aammali atugarissaarnissamut iluaqtissat ilinniaqqinnerup periarfissittagai mattuttarpai.

1.1 Kalaallit oqaasii suuppat?

Oqaatsit Kalaallit Nunaanni pisortatigoortumik oqaasisut taaguuteqarput kalaallit oqaasii imaluunniit kalaallisut. Kalaallit oqaasii inunnit 50.000-it missinginit oqaaserineqarput.

Inuit ilaat marlunnik oqaaseqartuupput, danskit oqaasii aappaattut oqaaseralugit. Kalaallit oqaasii pingaarnernik pingasunik sumiorpaluuteqarput, tassalu sumiorpaluutit Avanersuarmi, Tunumi aamma Kitaani atorneqartut. Sumiorpaluutit pingaernerit taakkua iluanni assigiinngitsunik aamma sumiorpalussuteqarpoq. Taakkua saniatigut ataatsimoorussamik allattaaseqarpoq. Kalaallit oqaasii allatat tamanut atuuttuupput.

Nuummi Ilulissanilu Ilinniarfissuit pilersitaanerisa nassataraat, kalaallit tamarmik atugassaannik oqaaseqarneq, Kitaata qeqqani sumiorpaluutinik sunnerneqartoq, pileriartulermat, aallaqqaaammut allattaatsikkut kingusinnerusukkullu oqalunnikkut. Piffissap ingerlanerani oqaatsit tamanit atugaasut taakku ordbogit oqaasilerissutilu aqqutigalugit pisortatigut atugaalerput.

Oqaatsit kalaallisut oqaasilinnit tamanit ataatsimoorussaasut tassaapput oqaatsit kalaallit tamarmik atugassaat. Oqaatsit maanna inissisimanermanni sumiorpaluutit arlaannaannulluunniit atanngillat. Tassaapput oqaatsit tamanit - nammineq sumiorpalunnerup avataatigut - allannikkut atugaasut. Akerlianilli oqalunneq killilersugaanngilaq. Kialuunnit sumiorpalunnini oqalunnikkut atorsinnaavaa.

Oqaatsinik Pikkorissarfiup kalaallit oqaasiisa oqaatsitut aappaattut pikkorissarfiginissaat aallarteqqaanut ingerlaqqittunullu neqeroorutigisarpai, Oqaatsinik Pikkorissarfiup nammineq aaqqissugaanik imaluunniit suliffeqarfiiit, namminersortut pisortallu suliffiutaat suleqatigalugit. Taassuma saniatigut kommunit inersimasunik atuartitsineq neqeroorutigisarpaat, kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaat nr. 10, 21. maj 2002-meersoq naapertorlugu.

1.2 Danskit oqaasii Kalaallit Nunaanni

Atuarfeqarneq pillugu inatsisip 1925-mi allanngorneraniilli danskit oqaasii atuartitsissutigineqartalerput. Ilimageqarpoq ullumikkut Kalaallit Nunaata inuisa 10 procentiisa missingi annerusumik danskisut oqaaseqartuusut.

Nunatsinni nalitsinni ilinniarfeqarfiiit tassaapput meeqqat atuarfiat, ilinniarnerantuunngorniarfiiit, inuussutissarsiuutinut ilinniarfiiit ilinniaqqiffiillu. Ilinniarfeqarfinni amerlanerpaani atuartitsinermi oqaatsit atuartitsinermilu atortussat annerusumik danskisuujupput. Aamma taama ipput ilinniarnerantuunngorniarfinni, inuussutissarsiuutinut ilinniarfinni ilinniaqqiffinnilu atuartitsisut ilisimatusartullu.

Taakkua saniatigut Oqaatsinik Pikkorissarfiup danskit oqaasiisa oqaatsitut aappaattut pikkorissarfiginissaat aallarteqqaanut ingerlaqqittunullu neqeroorutigisarpai, Oqaatsinik Pikkorissarfiup nammineq aaqqissugaanik imaluunniit suliffeqarfiiit, namminersortut pisortallu suliffiutaat suleqatigalugit. Aammattaaq kommunit danskit oqaasiinik ilinniartitsineq aallarteqqaanut ingerlaqqittunullu neqeroorutigisarpaat.

Namminersorneruneq pillugu inatsimmi § 9-mi allassimavoq danskit oqaasii peqqissaartumik atuartitsissutigineqassasut, aamma oqaatsit taakku marluk tamarmik pisortatigut ingerlatsinermi atorneqarsinnaasut; tassa imaappoq danskit oqaasii immikkut inissisimasuuusut. Naak namminersorneruneq pillugu inatsit Kalaallit Nunaanni namminersorneq pillugu inatsisip atulerneratigut atorunnaalaruertoq, aalajangersagarlu taanna danskit oqaasiinut tunngasoq ingerlateqqinneqassangikkaluartoq, danskit oqaasii Kalaallit Nunaanni nangittumik immikkut inissisimasussaapput, danskit oqaasiisa pisortatigut ingerlatsinermi atorneqarsinnaajuarnissaat pissutigalugu, tak. Inatsisartut pisortatigut ingerlatsinermi suliat suliarineqartarnerat pillugu inatsisaat. Tamanna pisortat ingerlatsineranni suliat suliarineqartarnerat pillugu inatsisartut inatsisaanni § 7 a naapertorlugu suliami susassaqartut arlaata kalaallisut danskisulluunniit sullinnejarnissaq ajornaquteqanngitsumik toqqarsinnaavaa. Aammattaaq inatsisissatut siunnersuut

manna danskit oqaasiinik ilinniartitsinissamut periarfissiivoq, ilaatigut ilinniarnermi danskit oqaasiinik piginnaasaqarnissamik pisariaqartitsiuarnissaq pissutigalugu.

Suliassaqarfinni arlalinni attaveqatigiinnermi atortutut danskit oqaasii atorneqarnerupput. Tamanna assersuutigalugu atuuppoq suliassaqarfinnut avataaniit equnneqarsimasunut, soorlu nunanut allanut niuernermut, ilisimatusarnermut, aningaasaqarnermut, teknikkimullu tunngasunut. Pissutsit tamakku allanngoriartorput, oqaatsit atuuffiini assigiinngitsuni sulianik ilinniagallit suliaqarfimminko kalaallit oqaasii ineriertorterusaarmatigik. Aammattaarli Oqaasileriffimmit taaguusersuuserinermik ineriertortitsineq ingerlaavartumik ukiuni kingullerni ingerlanneqarpoq.

1.3 Tuluit oqaasii Kalaallit Nunaanni

Meeqqat atuarfiat pillugu inatsimmi 1967-imeersumi tuluit oqaasii 6.-7. klassimiit pinngitsoornani ilinniagassatut imaluunniit qinerneqarsinnaasutut Kalaallit Nunaanni siullerpaamik equnneqarput. Atuarfik pillugu Inatsisartut peqqussutaat nr. 8, 21. maj 2002-meersumi § 8, imm. 2 malillugu tuluit oqaasii akullerni angajullernilu atuartitsinermi oqaasiusinnaapput. Ilinniarfiit allat soorlu ilinniarnertuunngorniarfiit, Piareersarfiit, TNI, NI 1-2, Ilinniarfissuaq il.il. tuluit oqaasii ataatsimoorussamik ilinniagassatut, qinigassatut aamma qaffasissumik ilinniagassatut periarfissiissutigisarpaat. Saniatigut Oqaatsinik Pikkorissarfiup periarfissiissutigaa tuluit oqaasii allamiut oqaasiisut pikkorissarfiginissaat aallarteqqaanut ingerlaqqittunullu neqeroorutigisarlugit, Oqaatsinik Pikkorissarfiup nammineq aaqqissugaanik imaluunniit suliffeqarfiit, namminersortut pisortallu suliffiutaat suleqatigalugit. Taassuma saniatigut kommunit inersimasunik atuartitsineq neqeroorutigisarpaat, kulturikkut ingerlatsineq sunngiffimilu sammisassaqtitsineq pillugit Inatsisartut peqqussutaat nr. 10, 21. maj 2002-meersoq naapertorlugu. Tassunga ilaavoq tuluit oqaasiinik aallarterlaanut ingerlaqqittunullu ilinniartitsineq.

Teknikkikkut suliaqarfinni arlaqartuni tuluit oqaasii attaveqatigiissutitut atorneqarput, soorlu aatsitassanik piiaanermi, ilinniartitaanermi aamma sulinermi. Ilinniakkat ilaanni assigiinngitsuni tuluit oqaasiinik pisinnaasaqarnissaq ilinniagaqalernissamut naammassinissamullu piumasaqaatigineqarpoq. Tamatuma saniatigut suliaqarfeqarpoq sulinermi tuluttut oqaaseqarfiusunik.

1.4 Kalaallit kulturiannik, oqaluttuarisaanerannik inuiaqatigiinnilu pissutsit

Kalaallit kulturiannik, oqaluttuarisaanerannik inuiaqatigiinnilu pissutsit maanna immikkut ilinniagassatut atunngilaq, kisianni oqaatsinik atuartitsinermi ilagitinneqartarluni, soorlu Oqaatsinik Pikkorissarfimmi. Kalaallit kulturiannik, oqaluttuarisaanerannik inuiaqatigiinnilu pissutsinik atuartitsineq oqaatsinik atuartitsinermut pinngitsoorani ilaavoq, oqaatsit kulturilu imminut tapertariimmata.

1.5 Oqaatsitigut akuunerulersitsinissaq pillugu siunnersuutip Inatsisartuni suliarineqarnera

2006-imi upernaakkut Siumup Inatsisartuni gruppiata, Naalakkersuisut oqaatsitigut akuunerulersitsinissaq pillugu siunnersuummik saqqummiussinissamut pisussaaffilerneqarnissaannik aalajangiiffigisassatut siunnersuut saqqummiuppaa (UPA 2006/46), aallaavimmigut Kalaallit Nunaanni pisariaqartitsisunut tamanut periarfissiisussamik kalaallit, danskit tuluillu oqaasiinik aamma kalaallit kulturiannik, oqaluttuarisaanerannik inuiaqatigiinnilu pissutsinik ilinniartitaanissamut.

Inatsisartuni aalajangiivigisassatut siunnersuut aamma oqaatsitigut akuunerulersitsinissaq pillugu suleqatigiinnik pilersitsisoqarnissaa isumaqatigineqarpoq. Siunnersuut Inatsisartut Kultureqarnermut Ilanniartitaanermullu ataatsimiitaliaannut suliassatut inassutigineqarpoq, tamatumalu kingorna ataatsimiitaliap isumaqatigiittup siunnersuut akuersissutigineqassasoq inassutigaa.

Oqaatsitigut akuunerulersitsinissaq pillugu suleqatigiit innersuussutitik Naalakkersuisunut marsimi 2007-imi saqqummiuppaat. Nalunaarut immikkoortunik pingaarnernik pingasunik imaqarpoq, anguniarneqarluni Kalaallit Nunaanni tamanut atuuttumik oqaatsinut politikkeqarnissaq, ilinniartitaanermi oqaatsitigut ingerlaavartumik ingerlatsinissaq aamma suliffeqarfinni oqaatsinut politikkeqarnissaq. Naalakkersuisut oqaatsit pillugit politikkimut siunnersummik matuminnga suliaqarnerannut, innersuussutit taakku aamma Inatsisartut Siumup oqaatsitigut akuunerulersitsinissaq pillugu siunnersuutaanik suliarinninnerat ilangngunneqarput.

2. Malittarisat atuuttut

Oqaatsit pillugit politikkimik inatsisissatut siunnersuut nutaaliорneruvoq, tassami pisortat ingerlatsivii, pisortatut oqartussaasut kiisalu namminersorlutik ingerlatsisut aalajangersimasumik angissusillit maanna inatsisitigut piumaffigineqaleramik oqaatsinut polikkimik ilusiliinissaannik. Nunani tamalaani inatsisitigut tunngavigisat nunamilu maani inatsisit il.il. arlaqartut, kalaallit oqaasii aamma inuaqatigiinni atatitsisutut allanngoriartornerat attupippaat.

2.1 Nunani tamalaani inatsisitigut tunngavigisat

Nunani tamalaani inatsisitigut tunngavissat arlaqartut, Kalaallit Nunaata akuersissutigisimasai, oqaatsit pillugit pisinnaatitaaffinnik aalajangersakkanillu imaqarput. Matuma ataani takuneqarsinnaapput pingaernerit, inatsisissatut siunnersuutip atuuffissaanut naleqqiullugit taaneqartut. Isumaqatigiissutinut nunanilu tamalaani inatsisitigut tunngavigisanut allanut atatitsimoorutaavoq, inuaqatigiinni peqataalernissaq siunertaralugu, oqaatsinik inuaqatigiinni atatitsisuusunik piginnaalernissamik akuersineq, aamma oqaasereqqaakkat imaluunniit inuttut kulturikkullu ineriartornissaq siunertaralugu oqaatsit, inoqatigiit pineqartup ilaaffigisaasa nalinginnaasumik oqaaserisaasa, piginnaalernissaannik akuersineq.

Nunat Avannarliit oqaatsit pillugit isumaqatigiissutaata 17. juni 1981-imeersup, Nunani Avannarlerni innuttaasut pisinnaatippai, oqaatsiminnik nunami allami atuisinnaatillugit. Nunat Avannarliit oqaatsit pillugit isumaqatigiissutaata allanngornissaa pillugu isumaqatigiissutip 18. juni 2003-meersup, oqaatsit pineqartut amerlivai kalaallit oqaasii, Savalimmioriimiut oqaasii aamma Saamit oqaasii ilaalersillugit.

Avannaamioqatigiinni Ministerit Siunnersuisoqatigiiffiata 2006-imi avannaamioqatigiinni oqaatsinut politikki pillugu nalunaarut aalajangiuppa, Nunat Avannarliit oqaatsit pillugit Isumaqatigiissutaannut ilassutaasoq. Nalunaarummi aalajangersarneqarpoq, inuit Nunani Avannarlerni najugaqvissut tamarmik pisinnaatitaaffeqartut, oqaatsit *atatisisuusut* oqalunnikkut allannikkullu piginnaalernissaannut, inuaqatigiinni inuunermut peqataasinnaaqquillugit. Oqaatsit inuaqatigiinnik atatitsisut tassaapput oqaatsit inuaqatigiinni oqaaseqarfiusuni pisortatigut ingerlatsinermi atorneqartut, soorlu ilinniartitaanermi aamma inatsisiliornermi.

Europamiut nunap immikkoortuini oqaatsit imaluunniit ikinnerussuteqartutut oqaatsit pillugit isumaqatigiissutaat (1992-imeersoq) Europarådimit aallaaveqarpoq, siunertalaralugulu oqaatsit oqaluttuarisaanermi nunallu immikkoortuini oqaasiusut aamma Europami ikinnerussuteqartutut oqaatsit illersussallugit siuarsassallugillu. Oqaatsit taamaalillutik immikkoortiterneqarsinnaapput oqaatsinut nunap ilaanut aalajangersimasunut tunngasunut aamma oqaatsinut nunami pineqartumi ikinnerussuteqartutut oqaasiusunut. 2001-imi Danmarkip isumaqatigiissut Sønderjyllandimi tyskit oqaasiinut atuuttussangortippaa. Oqaloqatigiinnikkulli nalunaarutikkut aalajangiunneqarpoq, isumaqatigiissut savalimmiormiut kalaallillu oqaasiinut atuuttussangortitaanngikkaluartoq, oqaatsit taakku marluk tamarmik nunap immikkoortuini pineqartuni pisortatigut oqaasiusut.

Europamiut Inuit Pisinnatitaaffii Pillugit Isumaqatigiissutaat (1950-imeersoq) 1992-imi danskit inatsisiliornerannut ilanngunneqarpoq, atuuttuulersinneqarlunilu 1. oktober 2002, Europamiut Inuit Pisinnatitaaffii pillugit Isumaqatigiissutaat pillugu inatsisip Kalaallit Nunaanni atuuttuulernissaa pillugu Aalajangersagaq aqqutigalugu. Isumaqatigiissutip immikkoortua 14 malillugu naalagaaffiup innuttaasut oqaasii pissutigalugit immikkoortissinnaanngilai. Immikkoortitsinissamik inerteqquq, nunap immikkoortuinut isumaqatigiissummut taassumunngalu tapiissutitut aalajangersakkanut ilaasunut taamaallaat atuuppoq.

Ilinniartitaanerup iluani immikkoortitsineq akiorniarlugu UNESCO-mi Isumaqatigiissummi (1960-imeersumi) immikkoortoq 1 malillugu immikkoortitsineq tassaavoq sutigulluunniit avissaartsitsineq, ilaangnitsoortitsineq, killilersuineq imaluunniit immikkut iluasaarfinginnineq, ilaatigut oqaatsinik tunngaveqartoq, taamaalillunilu ilinniartitsinermi assigiimmik pineqarnissamik atortitsinnginermik imaluunniit akerlilersuinermerik siunertaqartoq imaluunniit kinguneqartoq. Aammattaaq piumasaqaatit immikkoortoq 5-imi erseqqinnerusumik aalajangiunneqartut malillugit akuersaerneqarpoq “naalagaaffimmi ikinnerussuteqartunut ilaasortat namminneq ilinniartitsinermik ingerlatsisinnaaneq pisinnatitaaffigigaat, tassunga ilanngullugit nammineq atuarfinnik attassineq, aamma naalagaaffiit ataasiakkaat ilinniartitsinermut politikkiat apeqquaatillugu, nammineq oqaasiminnik atuisinnaanerat imaluunniit ilinniartinnejqarsinnaanerat”.

Naalagaaffiit Peqatigiit aningaasarsiornikkut, inooqatigiinnikkut aamma kulturikkut pisinnatitaaffiit pillugit Isumaqatigiissutaata Kalaallit Nunaanit 14. januar 1976-imi atuutsinneqalersup (Nalunaarutit A, qupp. 1, 1966) immikkoortortaq 1-imi aalajangersarpaa: Inuiaat tamarmik nammineq aalajangiisinnaanermut pisinnatitaaffeqarput. Tamatuma kinguneranik immikkoortoq taanna malillugu kiffaanngissuseqarlutik ilaatigut namminneq kulturikkut ineriartormertik ingerlassinnaavaat. Naalagaaffiit pisussaatitaapput inuit ataasiakkaat immikkoortortaq 15 malillugu kulturikkut inuunermi peqataasinnaanermut pisinnatitaaffiat akuersaassallugu.

Naalagaaffinni namminersortuni inuiaat nunami inoqqaajusut naggueqatigiisullu pillugit ILO-p Isumaqatigiissutaat nr. 169 (Nalunaarutit A, qupp. 395, 1989) ersersitsivoq, nunat inoqqaavisa pissutsinut namminermennut tunngasunut sunniuteqarnissamik kissaataasa nunani tamalaani akuersaerneqarnerannik. Isumaqatigiissummut siuleqtsiussami ilaatigut akuersaerneqarpoq inuiaat tamakku, naalagaaffiit najugaqarfingisamik sinaakkusiussaasa iluanni, kinaassutsimik, oqaatsimik upperisamillu attatiinnarnissaannik inerisarnissaannillu kissaateqarnerat. Nunat inoqqaavini naggueqatigiinnilu meeqqat, pissutsit ajornanngiffiini, nammineq nunami inoqqaajusutut oqaatsimik imaluunniit oqaatsit inoqatigiinnit ilaaffigisaminnit atorneqarnerusut atuarnissaat allannissaallu ilinniassavaat. Aammattaaq inuiaat tamakku naalagaaffimmi oqaatsinik nunamiluunniit pisortatigoortumik oqaatsit arlaannik piginnaasaqarlualernissaminnut periarfissinnejqarnissaat qularnaerneqassaaq, tak. immikkoortortaq 28.

UNESCOp Tamanut Atuuttumik Kulturikkut Assigiinngisitaarneq pillugu Nalunaarutaa (2001-imeersoq) ilaatigut aalajangersaavoq "Kulturikkut pisinnaatitaaffiit inuit pisinnaatitaaffiinut ilaavissuupput, taakku tamanut atuuttuupput, avissaartinnejarsinnaanatik imminnullu ataqtigissuullutik", tak. immikkoortortaq 5. Immikkoortoq taanna malillugu pilersitsisinnaanikkut assigiinngisitaarnermut piumasaavoq, pisinnaatitaaffiit Naalagaaffiit Peqatigiit Inuit Pisinnaatitaaffi pillugit Silarsuarmiunut Nalunaarutaani (1948-meersumi) immikkoortoq 27-mi aamma Nunat Tamalaat akornanni aningaasarsiornikkut, inooqatigiinnikkut aamma kulturikkut pisinnaatitaaffiit pillugit isumaqatigiissummi (1966-imeersumi) immikkoortuni 13-imi 15-imilu nassuiardeqartut piviusunngortinnejarnissaat. Tamakku tunngavigalugit immikkoortoq 5 ilaatigut inerniliivoq "Taamaattumik inuit tamarmik pisinnaatitaapput, oqaatsit namminneq toqqakkatik annermillu ilitsoqqussaralugu oqaatsitik atorlugit, namminneq isummaminnik ersersitsisinnaanermut aamma suliaminnik pilersitsillutilu siammarterinissamat."

2.2 Oqaatsit pillugit inatsisiliornerit

Nunatsinni oqaatsit pillugit inatsiseqareerpoq.

Oqaasiliortut pillugit inatsisit makkuupput:

- Oqaasiliortut pillugit Inatsisartut inatsisaat nr. 12, 26. oktober 1989-imeersoq
- Oqaasiliortut pillugit Inatsisartut inatsisaata allanngortinneqarneranik Inatsisartut inatsisaat nr. 19, 30. oktober 1998-imeersoq.
- Namminersorlutik Oqartussat nalunaarutaat nr. 23, 15. maj 1990-imeersoq Oqaasiliortut pillugit.
- Kultureqarnermut Ilanniartitaanermullu Pisortaqrifiup kaajallaasitaa nr. 7/85 Oqaasiliortut suliassaat pillugit.

Oqaatsinik Pikkorissarfik pillugu inatsit:

- Oqaatsinik Pikkorissarfik pillugu Inatsisartut inatsisaat nr. 14, 6. november 1997-imeersoq.

2.3 Inatsisit immikkut ittut aamma naalagaaffimmi inatsisitigut tunngavissat

Tamakkua saniatigut Inatsisartut inatsisaannik peqqussutinillu arlalinnik allanik peqarpoq, oqaatsit pillugit aalajangersakanik imaqtunik. Tamarmik inatsisitit immikkut ittutut iluseqarput, assersuutigalugu ilanniartitaanermut tunngasuni, nioqquqissanik nalunaarsuutini, atuisunut tunngasuni aamma pisortatigut ingerlatsinermi. Matuma ataani malittarisassat tamakku tamakkerlugit allaaserineqanngillat, assersuutitulli saqqummiunneqarlutik.

Nioqquqissanik nalunaarsuutit

Atuisartunut pisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq ilaatigut imaqrpoq piumasaqaatinik nioqquqissat

pillugit ilitsersuutit nalunaarneqassasut oqaatsit ilitsersuutip saaffigisaata paasisinnaasai atorlugit, tak. § 11, imm. 2.

Suliassat suliarineqartarnerat

Innuttaasut tamarmik pisinnaatitaapput pisortat sullissiviinit kalaallisut danskisulluunniit sullinneqarnissaminnut, taamatullu nalunaarneq pisortanik unioqqutinnejartussaanngitsumik pituttivoq, Pisortat ingerlatsineranni suliassat suliarineqartarnerat pillugu Inatsisartut inatsisaat nr. 21-p 30. oktober 1998-imeersoq - Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersukkut allanngortinnejartoq - naapertorlugu.

Inatsisartuni oqaatsit

Inatsisartut suleriaasianni §§ 53 aamma 54 Inatsisartut ataatsimiinnerisa qanoq malittari-neqarsinnaanerinut najoqqutassiippuit. Inatsisartut ataatsimiinneri kalaallisut ingerlanneqartarput, danskisulli malittarineqarsinnaassallutik. Inatsisartunut ilaasortaq ataaseq danskisuunnaq oqaaseqartuuppat, aammattaaq ataatsimiinneq kalaallisut malittarineqarsinnaasussaavoq. Tamatuma saniatigut Inatsisartut ataatsimiissutaat saqqummersinneqartassapput kalaallisut danskisullu, Inatsisartut Siulittaasoqarfiata nakkutigisaanik suliarineqarlutik.

2.4 Siunnersuutip matuma inatsisiliornermut atuuttumut kingunissai

Inatsisartut inatsisissaattut siunnersuutip matuma oqaatsit pillugit malittarisassat maanna atuuttut ataatsimut katersorniarsarinngilai, akerlianilli malittarisassat taakku akornanni ataqatigiissunnongortitsiniarlni. Ilutigisaanik Naalakkersuisut siunertamut naapertuutuunerusoraat malittarisassat, soorlu meeqqat atuarfiannut tunngasut, peqqussummi allassimanissaat - aamma oqaatsinut tunngasut - oqaatsit pillugit aalajangersakkat tamaasa inatsisitigut maligassamut inissinneqarnerinut taarsiullugu, tassami oqaatsit suliassaqarfinnut arlalissuarnut attuumassuteqarmata.

Tamatuma kingunerisaanik inatsisissatut siunnersuutip matuma malittarisassat atuutereersut siuliini taaneqartut arlaannaalluunniit taarsinngilaa.

3. Siunnersuutip imarisai

Oqaatsinut politikki pillugu Inatsisartut inatsisissaattut siunnersuut manna kapitalinut tallimanut immikkoortitigaavoq:

Kapitali 1-ip imarai Inatsisartut inatsisissaattut siunnersuutip siunertaa aamma oqaatsitigut akuunerulernissaq pillugu politikkip nassuiarnera.

Kapitali 2-p imarai oqaatitsigut politikkimut aalajangersakkat.

Kapitali 3-p imarai oqaasertusarneq pillugu aalajangersakkat.

Kapitali 4-p imarai nakkutilliineq, kinguneqartitsinerit naammagittaalliuutillu pillugit aalajangersakkat.

Kapitali 5-ip imarai atuutilersitsinermut ikaarsaariarnermilu aalajangersakkat.

Ataatsimut isigalugu oqaatsinut politikki pillugu siunnersuut manna ineriartornermi nutaalior-neruvoq, matumalu ataani siunnersuutip tamatuma immikkoortui pingarnerit nassuaatigineqassapput. Sammineqartut ataasiakkaat itisiliisumik nassuaataat, aalajangersakkat ataasiakkaat nassuaataanni takuneqarsinnaapput.

Siunnersuummi pingartoq tassaavoq, siunnersuut tassaanngimmat oqaatsinut politikkimik inaarutaasumik aalajangiinerup ersiutaa, akerlianilli tassaammat siunnersuutip matuma suliassaqarfii allat attuumassuteqartut iluanni ineriartortitseqqinnissamut tunaartarisassaq. Taamaammat siunnersuutip siunertaani kalaallit oqaasiisa oqaatsitut inuiaqatigiinni atatitsisutut, ilitsoqqussaralugu oqaatsitut oqaatsillu arlaattut nakussassarnissaat ineriartortinnissaallu tikkuarneqarput, kissaatigineqarlungilu marlunnik oqaaseqarneq arlalinnillu oqaaseqarneq inuiaqatigiinni nukittorsaatalissasut.

Inatsisisstatut siunnersuummi piumasarineqarpoq, suliffeqarfiit namminersortut ikinnerpaamik qulinik, ulloq naallugu atorfinnut qulinut naapertuuttunik sulisullit aamma suliffeqarfiit pisortanit ingerlanneqartut pisortallu sullissivii oqaatsinut politikkimik ilusiliissasut. Inatsisisstatut siunnersuummi ersersinneqarput oqaatsinut politikkimut sinaakkutissaasut, Naalakkersuisulli siunertarinngilluinnarpaat suliffeqarfiit pisortallu sullissivii oqaatsinut politikkip imarisassaanut kiisalu annertussusissaanut naleqqiullugu pisussaaffilerneqarnissaat.

Inatsisisstatut siunnersuut aammattaaq, inuit Kalaallit Nunaanni najugaqvavissut inuiaqatigiinni inuunermut peqataasinnaanissaat siunertaralugu, kalaallit danskillu oqaasiinik piginnaalernissamut pisinnaatitaaffeqarnerat pillugu aalajangersakkamik imaqarpoq.

4. Pisortanut allaffissornikkut aningaasaqarnikkullu kingunerisassat

Oqaatsit pillugit politikkeqarnissamik piumasaqaat pisortanit suliffeqarfinnillu tamanit naammassineqassaaq, aningaasatigut killiliussaareersut iluanni.

Nalilerneqarpoq pisortat sullissivii suliffeqarfii oqaatsinut politikkilornerat siulleq piffissamik atuiffiunerpaaressoq. Piffissamik atuineq immikkut annertussulerneqarsinnaanngilaq ilaatigut pissutsit nikerartut makku pissutigalugit:

- Pisortat sullissiviata imaluunniit suliffeqarfiup oqaatsinik piginnaasassanik nalunngisarisai pioreersut piginnaasassatullu siunniussai.
- Pisortat sullissiviata imaluunniit suliffeqarfiup nammineq oqaatsit pillugit politikkip annertussusissaanik aamma imarisassaanik kissaatigisai.
- Pisortat sullissiviata imaluunniit suliffeqarfiup angissusia sulisoqarneralu, tassunga ilanngullugu periarfissami sumi oqaatsit pillugit politikkimik ilusiliineq suliarineqassanersoq, soorlu suleqatigiinneq pillugu ataatsimiititaliami, isumannaallisaaneq pillugu ataatsimiititaliami, aqutsisuni, siunnersortimit avataaneersumit assigisaanilluunniit.

Nalilerneqarportaaq oqaatsit pillugit politikkimik atuutereersumik nutarterineq piffissamik nukissanillu atuinannginnerussasoq, tassungalu tunngatillugu oqaatigineqarpoq, inatsisissatut siunnersuut aalajangersumik piffissalersuilluni naleqqussaanissamik piumasaqanngimmat. Tamanna pisortat sullissiviinut suliffeqarfinnullu isumagisassanngortinneqarpoq.

Kalaallisut danskisullu oqaasertusarsinnaatitaaneq pillugu aalajangersakkami § 5, imm. 1-imittumi allassimanngilaq pisinnaatitaaneq taanna qanoq piviusunngortinneqassanersoq.

Oqaasertusarsinnaatitaanerup inatsimmi aalajangersarneqarnissa naapertuussorineqarsimavoq, Naalakkersuisulli suliffeqarnermi kattuffiit susassaqartullu attuumassutilit allat isumasioqatigalugit pisinnaatitaanerup taassuma piviusunngortinneqarnissa pillugu malittarisassiornissamut aalajangersaasussanngortinneqarlutik. Taamaattumik oqaasertusarnissamut inatsisitigut pisinnaatitaaffik taanna namminermini pisortanut allaffissornikkut aningaasaqarnikkullu kinguneqassanngilaq.

5. Namminersorluni inuussutissarsiornermut allaffissornikkut aningaasaqarnikkullu kingunerisassat

Pisortanut allaffissornikkut aningaasaqarnikkullu kingunerisassat pillugit oqaaseqaatit innersuussutigineqarput. Namminersorluni inuussutissarsiornermut naleqqiullugu pingartuuvoq malugissallugu, suliffeqarfiit siunnersuutip § 4-ni pineqartut suliffiup angissusia naapertorlugu erseqqisumik nassuiardeqarmata, siunertamut naapertuitinngitsunik allaffissornikkut nammagassiisoqaqqunagu. Taamaammat oqaatsit pillugit politikkeqarnissamik piumasaq taamaallaat namminersorlutik suliffinnut ikinnerpaamik 10-nik, ulloq naallugu atorfinnut qulinut naapertuutunik atorfeqartitsisunut atuutissaq.

Pisortat namminersorlutillu suliffiisa ilaat namminneq oqaatsit pillugit politikkeqarput. Assersuutitut taaneqarsinnaavoq Nukissiorfiit. Nukissiorfiit oqaatsinik ilinniartitsisumik atorfeqartitsipput sulisunik kalaallisut danskisullu oqaatsinik ilinniarnissamut pisariaqartitsisunik ilinniartitsisartumik. Taama iliorneq nutaaliorneruvoq, aningaasatigullu tamatuma kingunissarisai tassaapput aningaasarsiat, oqaatsinillu ilinniartitsinermi atortussanut aningaasartuutaajunnartut.

6. Avatangiisinut pinngortitamullu kingunerisassat

Inatsisissatut siunnersuut avatangiisinut pinngortitamullu tunngasunik kingunerisassaqanngilaq.

7. Innuttaasunut allaffissornikkut kingunerisassat

Inatsisissatut siunnersuut innuttaasunut allaffissornikkut kinguneqassanngilaq.

8. Oqartussaaffinnut kattuffinnullu tusarniaanerit

Inatsisissatut siunnersuut manna tusarniaassutigineqarpoq piffissami 22. januar 2009-miit 20. februar 2009-mut tusarniaaffigineqartunut makkununnga:

	Naalakkersuisoqarfik
Inuussutissarsiornermut Sulisoqarnermullu Naalakkersuisoqarfik	Aalisarnermut, Piniarnermut Nunalerinermullu Naalakkersuisoqarfik
Ilaqutariinnermut Peqqissutsimullu Naalakkersuisoqarfik	Attaveqatigiinnermut Avatangiisinullu Naalakkersuisoqarfik
	Ilimmarfik
Namminersornerullutik Oqartussani Aqutsisoqarfitt tamarmik	Naalagaaffiup Sinniisoqarfia
Aatsitassanut Pisortaqarfik	Nunanut Allanut Pisortaqarfik
Inerisaavik	Ilinniarfissuaq
Qeqqani Ilinniarneretuunngorniarfik	Avannaani Ilinniarneretuunngorniarfik
Kujataani Ilinniarneretuunngorniarfik	HTX – teknikimut ilinniarneretuunngorniarfik
Nunatta Danmarkimi Sinniisoqarfia	INUILI
Peqqissaanermik Ilinniarfik	Piareersarfitt tamarmik
NI – Niuernermi Ilinniarfik –Nuuk	NI – Niuernermik Ilinniarfik – Qaqortoq
Perorsaanermik Ilinniarfik	KIK
Avalak	KNAPK
HHX – niuernermut ilinniarneretuungorniarfik	Ilinniagartuut Kalaallit Nunaanni Kattuffiat
Atorfilit Kattuffiat	KANUKOKA
KANUNUPE	ILIK
Kalaallit Nunaanni Sulisitsisut kattuffiat	SIK
NUSUKA	Saviminilerinermik Ilinniarfik
IMAK	SILA
TII – Tasiilaq	Biskopip Allaffia
Provsteqarfitt tamarmik	Nunatta Katersugaasivia Allagaateqarfialu
Nunatta Atuagaateqarfia	Oqaasileriffik
Oqaatsinik Pikkorissarfik	Kultur pillugu siunnersuisoqatigiit
Kalaallit Nunaanni Politimestereqarfik	Kalaallit Nunaanni Timersoqatigiit Kattuffiat
Air Greenland	Royal Arctic Line
TELE Greenland	KNR
GLDK	ICC/ICYC
Kalaallit Atuakkiorput (KA)	Oqaasiliortut
Ilisimatusarfik	ATI-Maniitsoq
Namminersorneq pillugu Allaffeqarfik	Atuagagdliutit/Grønlandsposten
Sermitsiaq	Kalaallisut Oqaatsivut
Royal Greenland	Nukissiorfiit
NunaMinerals	
KNI A/S	Grønlands Turist og Erhvervsråd
A/S Inissiaatileqatigiiffik INI	NunaOil A/S
Greenland Resources	Sermitsiaq
GrønlandsBanken	Great Greenland
Arctic Umiaq Line A/S	

Tusarniaaffigineqartut makku pingaarutilinnik inatsisisatut siunnersuummut oqaaseqarput qulequttatut imatut tulleriaarlugit nalunaarsorneqartunik:

Tusarniaanermi akissutit:

Tusarniaaffigineqartunit qulaani allattorsimasunit aqqi silittumik allassimasunit tusarniaanermi akissutit tiguneqarput.

Oqaatsinut politikki pillugu inatsisissatut siunnersuut naliginnaasumik tigulluarneqarpoq, tassani oqaatsinut piginnaassuseqarnerup patajaallisagaanera ilassilluarneqarluni. Tusarniaaffigineqartut arlallit apeqquserpaat, suliffeqarfiiit aningaasatigut sinaakkutigisat pioreersut iluanni oqaatsinik aamma kalaallit kulturiannik, oqaluttuarisaanermik inuiaqatigiinnilu pissutsinik ilinniartitaanissamut aningaasaliisinnaanissaminut pisinnaanersut.

Tusarniaanermi akissutit sapinggisamik annertunerpaamik siunnersummut ilanngunneqarput. Tulliuttumi oqaaseqaatit pingarnerit ersersinneqarput. Naalakkersuisut oqaaseqaataat uingasumik allataapput.

Nalinginnaasumik oqaaseqaatit:

Rigsombudeqarfip malugeeqqua oqaatsinut politikki pillugu inatsisissatut siunnersuut Kalaallit Nunaanni namminersorneq pillugu inatsisissatut siunnersuutip Folketingimi akuerineqarnissaanik tunngaveqarmat inatsisissatut siunnersummik inatsisartut inatsisaattut akuersineq Kalaallit Nunaanni namminersorneq pillugu inatsisip Folketingimi akuerineqarnerata kingorna pisinnaasoq. *Tamatumunnga oqaatigineqassaaq Namminersorneq pillugu inatsisissatut siunnersuut maanna akuerineqareermat.*

Aatsitassanut Pisortaqarfik isumaqarpoq inatsisissatut siunnersuut aalajangersimanngitsorujussuusoq. Anguniakkiortoqarsimavoq pisinnaatitaaffiliortoqarsimalluniluunniit taakku sulinikkut qanoq naammassineqarsinnaanerat erseqinnerusumik oqaatiginagu. *Tamatumunnga oqaatigineqassaaq inatsit tunngaviusumik inatsisaammat piviusunngortinneqarnera tamanna pillugu allaffissornikkut najoqqutassat, kiisalu tamatumunnga qaqugukkulluunniit aningaasassat sulisussallu tunuliaqutaralugit pissammat.*

Oqaasileriffik isumaqarpoq inatsisissatut siunnersuutip queleqtaa imarisaanut naleqquitinngitsoq. Oqaasileriffimmit oqaatigineqarpoq inatsisissatut siunnersuutip imai oqaatsitigut akuunerulersitsinermut tunngasut kalaallisullu oqaatsit ilitsoqqussaralugu oqaatsitut atorneqarnerat pillugu aalajangersakkanik imaqrani. *Naalakkersuisut aalajangiuppaat queleqtaaq "oqaatsinut politikki" atorneqassasoq taaguut pingarnerusummat. Oqaatsitigut akuunerulersitsineq inatsisissatut siunnersummut ilaavoq aammali oqaatsinut politikkimut tunngasunut allanut tunngalluni.*

GrønlandsBANKEN isumaqarpoq, inatsisissatut siunnersuutip siunertaa iluaqutaalluartumik ilaneqarsinnaasoq imaalillugu, inatsisissatut siunnersuutip pisinnaatitaaffinnik annerusunik pingaaartumik inuuusuttunut kalaallit allamiullu oqaasiinik annerusumik ilinniartitsisoqarnissamik piumasaqaateqalersillugu. *Siunnersummi siunertaq pillugu aalajangersakkap allangortinneqarnissaa Naalakkersuisut naapertuuttuusorinngilaat.*

Royal Greenland-ip ilisimatitsissutigaa suliffeqarfissuup sulisuisa angusaqrluarusunnerisa kiisalu periarfissat sulinissamut suliffeqarfimmut nunarsuarmut tamarmut siaruarsimasumut tunuliaqarluni, Royal Greenland A/S oqaatsinut politikki oqaatsinut marluinnarnut killilersinnaanngikkaa. *Naalakkersuisut ilisimatitsissutigissavaat inatsisissatut siunnersuutip inuit nunaqavissut pisinnaatitaassasut kalaallisut danskisullu ilikkarnissamut, oqalunnikkut allannikkullu, tassuunakkut inuiaqatigiinni inuunermut peqataasinnaaqqullugit, ilitsoqqussaralugu oqaatsiminnik atuisinnaallutilu ineriartortitsisinnaaqqullugit kiisalu oqaatsinik nunarsuarmi atugaasunik ilikkarsinnaaqqullugit. Tamanna suliffeqarfip oqaatsinut politikimini oqaatsinik allanik*

attuumassuteqarsinnaasunik ilangussinissaanut akornutaanngilaq, suliffeqarfik oqaatsinik allanik atuiffuppat imaluunniit suliffeqarfik allanik pissuteqarluni oqaatsit allat siuarsarusuppagit.

Kalaallit Atuakkiortut kissaatigaat nittarsaanermut soorlu pilerisaarinermut annoncenullu tunngasut ilanngunneqassasut. Oqaasileriffik aamma isumaqarpoq allagartaliisarneq pilerisaarisarnerlu pillugit aalajangersagaqartariaqartut. *Naalakkersuisut ilisimatisissutigissavaat Atuisartunut pisisartunullu siunnersuisartoqatigiit, tuniniaasарneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq immikkut inatsisitut nioqqutissaq pillugu ilitsersuinerup oqaatsit ilitsersorneqartup paasisinnaasai atorlugit allanneqarnissaanik piumasaqaateqarfiusoq assersuutigineqarmat.*

Oqaatsinut politikkeqarnissamik piumasaqaatip suliffeqarfinnut aningaasaatigineqareersut atorlugit naammassineqarnissaa Kalaallit Atuakkiortut eqqarsarnartoqartippaat. Suliffeqarfiiit ilaanni aningaasassaaleqinerup oqaatsinut politikkeqarnissaq pillugu suliniutit inatsimmi siunertaasut naammassineqarnissaannut akornutaasinnaanera Kalaallit Atuakkiortut aamma Kommune Kujalliuq ilimagisinnaavaat. KNR isumaqarpoq sulisut oqaatsinik atuartinneqarternerannut aningaasalersuinermut tunngasut Inatsisartunit eqqartorneqartariaqartut. Air Greenland isumaqarpoq atuartitsinissamut aningaasartuutit pisussaafiillu ingerlatseqatigiiffiinnarnit akilerneqartariaqanngitsut. Inatsisissatut siunnersuutip kingunerisassaanik naatsorsuineq Ilisimatusarfimmit Kommune Kujallermillu amigaatigineqarpoq. Siunnersuisoqatigiinnut Aalajangiisartunullu Aqutsisoqarfiup uparuarpaa suliffeqarfinnut namminersortunut atuartitsisarnissamik piumasaqaat atuisartunut akit qaffannerinik kinguneqarsinnaasoq, tassami sulisunik atuartitsinermut aningaasartuutit namminersorlutik inuussutissarsiuteqartunut aningaasartuuteqarnerunermik kinguneqassammata. Ilaqtariinnermut Peqqissutsimullu Naalakkersuisoqarfik isumaqarpoq peqqinnissaqarfiup sulisut Kalaallit Nunaanni aalajangersimasumik najugallit tamatuminnga pisariaqartitsisut tamaasa kalaallisut danskisullu oqalussinnaalernissamut allassinnaalernissamullu periarfissinneqarnissaat neqeroorutigisinnaanngikkaa. GLDK isumaqarpoq oqaatsitigut akuunerulersitsineq naalagaaffiup suliassarigaa, matumaniluunniit namminersornikkut suliassaasoq. Taamaattumik GLDK isumaqarpoq atuartitsinerup suliffeqarfinnut tunniunneqartariaqanngitsoq. *Naalakkersuisut inatsisissatut siunnersuummi allaffissornikkut aningaasaqarnikkullu kingunerisassat allaaserineqarnerat oqaaseqaatinut taakkununnga innersuussutigissavaat.*

Oqaasileriffik isumaqarpoq inatsisissatut siunnersuut oqaatsit pitsaassusissaat, kiisalu allattariarsornermi oqaatsit aalajangersimasumik atugassat pillugit aalajangersagartaqartariaqartoq. *Naalakkersuisut naliliipput oqaatsit pitsaassusissaat allattariarsornermilu oqaatsit aalajangersimasumik atugassat pillugit immikkut aalajangersagaqartoqartariaqanngitsoq, taakku § 3-mut ilaatinneqareermata, tassani allassimalluni kalaallit oqaasii pisortatigoortumik oqaasiusut. Tamatuma saniatigut imm. "1.1 Kalaallit oqaasii suuppat"-mi oqaaseqaattini nalinginnaasuni sumiorpaluutit assiginnginneri, kalaallisulli oqaatsit atorlugit allatat atugassaanerat nassuiarneqarput.*

Ass. kapitalimi atuartitsineq pillugt siunertaasunik taaguinerpiaq pinnagu inatsisissatut siunnersuummi aalajangersimasumik sulissuteqarfissat GLDK-mit amigaatigineqarput. GrønlandsBANKEN naqissusiivoq tunngaviusumik ilinniartitaanerit nukitorsarneqarnissaat pisariaqartoq, tassuunakkut Nunatsinni nunaqavissut kalaallisut allamiullu oqaasii atorlugit ilinniaqqinnermut periarfissat nukitorsarumallugit. Tamatumunnga peqatigitillugu GLDK-p,

NunaOil A/S-ip aamma Air Greenlandip naapertuuttumik atuartitsinissap atuartitsissutillu atorsaasut pisariaqartinneqarnerat uparuarpaat. *Naalakkersuisut ilisimatitsissutigissavaat inatsisissatut siunnersuummi matumani siunertaammat oqaatsinut politikkimut sinaakkusiinissaq. Qanoq pilersaarnermik nalunaarut kisimi pineqanngilaq, tassami inatsit oqaasertusarsinnaatitaanermik, kiisalu suliffeqarfinnut, oqartussaasunut sullissiveqarfinnullu pisussaatitsinernik imaqqarmat. Tamatuma saniatigut Naalakkersuisut ilisimatitsissutigissavaat atuartitsissutinik naapertuuttumillu atuartitsinerup pisariaqartinneqarneri naliliiffigeqqinnejartuarmata.*

GLDK-p inatsisissatut siunnersuummi siunertaasup ilinniartitsissutitut atuartitsissutitullu neqeroorutinik nukittorsaanerunissa kissaatigaa. *Naalakkersuisut tamatumunnga oqaatigissavaat inatsisissatut siunnersuummi oqaasertusarsinnaatitaanermik aalajangersaanermi ilinniartitaanikkut atuartitaanikkullu neqeroorutit nukittorsarneqarnissaat siunniunneqarmat, tamatumanili qaqugukkulluunniit aningaasassat sulisussallu apeqquaassasut.*

Ilaqtariinnermut Peqqissutsimullu Naalakkersuisoqarfiup kaammattutigaa innuttaasut ilinniagaqannginnej/ilinniagakinnej, timikkut tarnikkullu innarluuteqarneq, kiisalu pisinnaasakillisimaneq pissutigalugit attaveqaqatigiinniarnermik ajornartorsiuteqartut inatsisissatut siunnersuummi isumagineqassasut. *Inatsisissatut siunnersuutip ilusilerneqarneratut kinaluunniit Kalaallit Nunaanni aalajangersimasumik najugalik kalaallisut danskisullu, kiisalu nunani tamalaani oqaatsinik pisinnaasaqalernissamut pisinnaatitaavoq. Taamaalilluni inuiaqatigiinni inuit assigiinngitsut ataasiakkaat immikkoortinnejqanngillat, kikkulluunniit assigiimmik pisinnaatitaaffeqarniassammata. Inatsisissatut siunnersuutip piviusunngortinnejqarnerani pineqartut immikkut pisariaqartitsisut immikkut isumagineqarsinnaassapput.*

Ilisimatusarfik aperaaq oqaatsinut politikkimik malinninnginnej qanoq kinguneqartinneqarsinnaanersoq. *Tusarniaanermut akissutigineqartut inatsisilerinikkullu oqaaseqaatit tunuliaqutaralugit akiliisitsisarnikkut kinguneqartitsisarnissaq pillugu aalajangersakkamik ilanngussisoqarpoq.*

Inatsisartut Ombudsmandiata oqaatiginikuuaa ombudsmandip nammineersinnaaneranuit ilanngunneqarsinnaanngitsoq ombudsmandip atorfia Naalakkersuisunit nakkutilliisussaatitaaffigineqarpas. Tamatuma kinguneranik Inatsisartut Ombudsmandiat siunnersuummi matumani nakkutilliisussaatitaanermit ilanngunneqanngilaq. Inatsisartut Inatsisilioriaatsinik Sullissiviatali siunnersuutigaa nakkutilliisussaatitaanermit ilanngunneqanngitsut ilaneqassasut Inatsisartut suliffeqarfiinut tamanut atuuttussanngorlugu. Aalajangersagaq maanna allangorneqarpoq Inatsisartut suliffeqarfiinut tamanut atuuttussanngorlugu.

§ 1-imut

Ilisimatusarfik isumaqarpoq § 1-imi kalaallit oqaasiisa qularnaarneqarnissaannik siunertaq taakkartorneqartoq. *Naalakkersuisut ilisimatitsissutigissavaat § 1 Tassaammat siunertamik aalajangersaaneq, nunatsinni oqaatsinut politikkimut killiliussanik qularnaarinissamik, tassunga ilanngullugu oqaatsitigut akuunerulersitsinissamik aalajangersaaviusoq. Tamanna ilaatigut kalaallit oqaasiisa tamakkiisumik inuiaqatigiinnilu atugaasutut oqaasiunissaannik qularnaarinikkut pissaaq.*

GrønlandsBANKEN-ip siunnersuutigaa nr. 5 nutaaq, qulakkeerisussaq nunaqvavissut ilisimasanik piginnaasaqalersinnaanerat ilinniarsinnaanerallu tunngaviusumik ilinniartitaanermi amigartumik oqaatsitigut ilinniartitsinermik killilerneqassanngitsoq. *Naalakkersuisut isumaqarput inatsisisstatut siunnersuut naamattoq.*

§ 1, nr. 2-mut

Oqaasileriffimmit uparuuarneqarpoq inuiaqatigiit marluinnik oqaaseqarnerarneqarnissaat eqqortuunngitsoq, namminersorneq pillugu inatsisisstatut siunnersuummi allassimammat 10 %-it danskisuin-naq oqaaseqartuuusut. Tamatuma saniatigut Oqaasileriffimmit apeqqutigineqarpoq "allamiut oqaasii"-sa nassuiarneqarnissaat ilannguttariaqarnersoq. *Naalakkersuisut isumaqarput "inuiaqatigiit marluinnik oqaaseqarfiusut" suli atorneqarsinnaasoq, innuttaasut 10 %-ii danskisuinnaq oqaaseqaraluarpataluunniit. Akerlianik aamma ilaat kalaallisuinnaq oqaaseqartuuupput. Naalakkersuisut malugeqqussavaat pisortani sulinikkut oqaatsit marluiit taakku atorneqartarmata, tassa danskisut kalaallisullu. Naalakkersuisut isumaqarput allamiut oqaasii nassuiarneqartariaqartut, tassami ilitsoqqussaralugu oqaatsit allamiullu oqaasii immikkoortilluinnarneqarmata.*

§ 2, imm. 2, nr. 1-imut

Qaqortumi Niuernermik Ilinniarfik isumaqarpoq "kalaallisut ilinniartariaqartut" § 5-imut atatillugu ikippasittut. § 5-imi allassimavoq "Kalaallit Nunaanni najugaqvavissut pisinnaatitaasut kalaallisut danskisullu ilikkarnissamut, oqalunnikkut allannikkullu, tassunakkut inuiaqatigiinni inuunermut peqataasinnaaqquullugit, ilitsoqqussaralugu oqaatsiminnik atuisinnaallutillu ineriartortitsisinnaaqquullugit kiisalu oqaatsinik nunarsuarmi atugaasunik ilikkarsinnaaqquullugit". *Naalakkersiuuisut isumaqarput kiffartuunniakkat ikittuinnaanngitsut isumaqarlutillu aalajangersakkat taakku marluk akornanni naapertuitinngitsoqanngitsoq.*

§ 3-mut

Ilisimatusarfip apeqqutigaa oqaatsimi "naammaginartumik" suna pineqarnersoq kiisalu oqaatsimi "inuiaqatigiit" suna siunertarineqarnersoq. *Naammaginartumik oqarnermi innuttaasut oqaatsinik arlalinnik pisinnaasaqarnissamut periarfissinneqarnissaat pineqarpoq, taamaalillutik inuiaqatigiinnut peqataaniassammata. Taamaattumik innuttaasut oqaatsinik atorneqartunik atuinissamut pinngitsaalineqarnissaat aalajangersakkami tassani siunertaanngilaq, taamaallaalli inuiaqatigiinnut peqataanissamut periarfissinniarneqarlutik. Inuiaqatigiinnik oqarnermi pineqarpoq inuiaqatigiit ammasut assigiinngitsunik inuttallit assigiinngitsunillu oqaaseqarfiusut.*

Inuussutissarsiornermut Suliffeqarnermullu Naalakkersuisoqarfik isumaqarpoq oqaaseq "pisortatigut ingerlatsinermi" pinnagu oqaaseq "pisortat ingerlatsineranni" atorneqartariaqartoq, tassami Inuussutissarsiornermut Suliffeqarnermullu Naalakkersuisoqarfik isumaqarpoq taagineq paatsoorneqarsinnaasoq. *Naalakkersuisut ilisimatissutigissavaat oqaaseq "pisortatigut ingerlatsinermi" atorneqarmat isumaa imartuujummat. "Pisortat ingerlatsineranni" pisortat ingerlatsineranniuunnaq atuuppoq, ass. Namminersorlutik Oqartussani, kommunini il.il. Oqaatsimilli "pisortatigut ingerlatsinermi" atuinikkut suliffeqarfiiit namminersortut aamma ilaatinneqassapput.*

Oqaasileriffik isumaqarpoq kalaallisut oqaatsit pillugit § 3-mi aalajangersagaqartariaqartoq, kiisalu oqaaseqaatini oqaasilerineq, allattariarsornermi, atuarnermi oqalunnermilu oqaatsinik atuineq pillugu aalajangersakkani allassimasoqartariaqartoq. Tamatumunnga peqatigitillugu § 3, imm. 3-p aamma 4-p ataatsimoortinneqarsinnaannginnerat Oqaasileriffiup apeqquserpaa, taamaallilluni danskisut oqaatsit aalajangersakkatut immikkut allassimassanngimmata. Oqaasileriffik isumaqarpoq allannguinerit piviusunngortinnejnqanngitsooratarsinnaasut. *Naalakkersuisut isumaqarpuit oqaatsinut politikki pillugu inatsisisstatut siunnersuummi taamaallaat kalaallisut oqaatsit Kalaallit Nunaanni pisortatigoortumik atugaanerat pillugu aalajangersaasoqassasoq. Naalakkersuisut naliliippuit § 3, imm. 3 atatiinnarneqassasoq imm. 4-mullu ilangunneqarani, inuiaqatigiinni pissutsit atuuttit naapertorlugit danskisut oqaatsit inuiaqatigiinni atugaasorujussuummata.*

IMAK isumaqarpoq aalajangersakkami tassani allassimasariaqartoq nunani avannarlerni naalagaaffimmut innuttaasut oqaatsiminnik atuisinnaatitaasut. Kalaallit Nunaanni Sulisitsisut Kattuffiata ass. nunani avannarlerni naalagaaffimmut innuttaasut nunani avannarlerni nunami allami oqaatsiminnik atuisinnaatitaanerat pillugu isumaqatigiissutit innersuussutigineqarsinnaanersut erseqqissaqquaa. *Naalakkersuisut erseqqissaatigissavaat nunani avannarlerni naalagaaffimmut innuttaasut nunani avannarlerni nunami allami oqaatsiminnik atuisinnaatitaanerat nunani avannarlerni oqaatsit pillugit isumaqatigiissummi malittarisasssaqartinnejareermata. Nunani avannarlerni oqaatsit pillugit isumaqatigiissutip allanngortinneqarnera pillugu isumaqatigiissummi 18. juni 2003-meersumi oqaatsit pillugit isumaqatigiissut kalaallisut, savalimmiormiutut samisullu oqaatsinik ilaneqarpoq.*

Air Greenlandimit ilisimatitsissutigineqarpoq immikkut ilisimasalinnik assigiinngitsorpassuarnik pisariaqartitsiviusumik suliaqarnertik pissutigalugu avataanit sulisussarsiortarlutik. Air Greenlandimit ilisimatitsissutigineqarpoq taakku ilarpassui sivikitsuinnarmik nunatsinniittartut, taakkulu oqaatsinik pikkorissartitsinermut ilaatinneqartarnissaat naapertutissanngitsoq, pingaartumillu imminut akilersinnaassanngitsoq. *Naalakkersuisut ilisimatitsissutigissavaat oqaasertusarsinnaatitaaneq inunnut Nunatsinni najugaqavissuinnarnut atuummat. Tamatumani suliffeqarfip aamma sulisunit Nunatsinni najugaqavissuunngitsunit oqaatsitigut pikkorissarnissamik kissaatnik akuersinissaa mattunneqanngilaq, suliffeqarfilli naliliissaaq tamatumani pissarsiassat tamatumunnga aningaasarutuutinut naapertuunnersut.*

§ 4-mut

Ilisimatusarfimmit apeqqutigineqarpoq suliffeqarfinni qulit sinnerlugit sulisulinni oqaatsinut politikkeqalernissaq qanoq ilillugu pissarsiarineqarnersoq. Tamatuma saniatigut Ilisimatusarfimmit apeqqutigineqarpoq oqaatsitigut piginnaasanik misissuineq erseqqissaanerlu aningaasaqarnikkut qanoq kinguneqassanersoq. Kalaallit Nunaanni Sulisitsisut Kattuffiannit ilisimatitsissutigineqarpoq suliffeqarfinnut ikinnerpaamik qulinik sulisulinnut oqaatsinut politikkiliornissamik piumasaqaat isumaqatiginnikkitsik, tamanna allaffissorfiallaalissaqimmat suliffeqarfippassuit malissinnaanngisaannik imaluunniit malikkumanngisaannik. Taamaattumik Kalaallit Nunaanni Sulisitsisut Kattuffiata kaammattuutigaa § 4 tamakkiisumik atorunnaassasoq. GrønlandsBANKEN aammattaaq isumaqarpoq namminersorlutik ingerlatsisunut oqaatsinut politikkiliornissamut piumasaqaat siunnersuummit peerneqassasoq, imaluunniit suliffeqarfinnut anginerungaartunut taamaallaat atutissasoq. Peqqissaanermik Ilinniarfik isumaqarpoq suliffeqarfinnut qulinik sulisulinnut oqaatsinut politikkiliornissaaq allaffissornikkut artukkiutaassasoq. Taamaattumik siunnersuutigineqarpoq oqaatsinut politikkiliornissamik piumasaqaat suliffeqarfinnut ikinnerpaamik 20-nik sulisulinnut atuutsinneaannassasoq. *Naalakkersuisut siullermik malugeqqussavaat § 4,*

imm. 2 taamaallaat oqaatsinut politikkip sunik imaqarsinnaaneranut isumassarsiorfittut isigineqassasoq. Taamaalluni suliffeqarfiit namminneq oqaatsinut politikkiliornissamut aalajangiissapput. Naalakkersuisut isumaqarput sulisut ikinnerpaamik quliunissaannik piumasaqarneq naleqquttuusoq, tamatumunnga peqatigitillugu oqaatigineqassalluni Naalakkersuisut naliliimmata oqaatsinut politikkiliornissami allaffissornikkut nammagassat annertuallaarnavianngitsut. Tamatuma saniatigut suliffeqarfippassuit suliffeqarfiup sulisoqarnermut politikkianut ilaasutut oqaatsinut politikkeqareernissaat ilimagineqarpoq.

Inuussutissarsiornermut Suliffeqarnermullu Naalakkersuisoqarfik isumaqarpoq "sulisut kalaallisut oqaasiliunngitsut qulit" allassimasariaqartoq. Tamatumunnga peqatigitillugu Inuussutissarsiornermut Suliffeqarnermullu Naalakkersuisoqarfip uparuarpaa ima allassimasariaqartoq "sulisut ulloq naallugu atorfinnut qulinut naapertuuttu". *Naalakkersuisut isumaqarput taamatut allannguinissaq naapertuutinngitsoq. Taamaalluni sulisup oqaatsitigut pisinnaasai pingaannginnerupput, suliffeqarfiulli angissusia apeqquataalluni. Inatsisip oqaasertaani erseqqissarneqarpoq sulisut qulit ulloq naallugu atorfittut quliusutut paasineqassasoq.*

§ 5-imut

Oqaasileriffik isumaqarpoq aalajangersagaq pisinnaatitaaffiuinnarani pisussaaffittut allassimasariaqartoq, inuaqatigiinni allannguineq iluatsissappat. Tamatuma saniatigut Oqaasileriffik isumaqarpoq pisortat suliffeqarfiutaat pisinnaatitaaffinnik § 5-imi taaneqartunik malinninnissamut pisussaaffilerneqarsinnaasut. *Naalakkersuisut isumaqarput aalajangersagaq pisinnaatitaaffiuinnassasoq pisussaaffiunani. Tamatumuna innuttaasut oqaatsinik pisinnaasaqalernissamut periarfissinneqassapput ilinniarnissaannut pisussaaffilerneqaratik. Naalakkersuisut isumaqarput innuttaasut pisinnaatitaaffii nukitorsarneqassasut inuttut toqqaasinnaatitaanerat annikillisinnagu. Suliffeqarfiup pisussaatinneqarnissaanut tunngatillugu allaffissornikkut aningaasaqarnikkullu kingunerisassat allaaserineqarnerat innersuussutigineqarput.*

Ilisimatusarfik aperaaq sulisut atuartinnejarnissamik neqeroorfigineqarnissaannut kina pisinnaatitaassanersoq aningaasaqarnikkullu kingunerisassat qanoq qularnaarneqassanersut. ANAN-ip apeqquserpaa Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfip eqqarsaatigisimaneraa siunnersuusiussalluni oqaatsinut politikkimut ilusiliinissamik piumasaqaat qanoq piviusunngortinnejarnissaannut. Kalaallit Nunaanni Politimestereqarfiup maluginiarpaa innuttaasumut pisinnaatitaaffik piviusunngortinnejarnissaanut Namminersornerullutik Oqartussat naammattunik immikkoortsinissaannik naatsorsuutigineqartariaqartoq. *Naalakkersuisut tamatumani allaffissornikkut aningaasaqarnikkullu kingunerisassat allaaserineqarnerat innersuussutigaat.*

§ 5, imm. 2-mut

Atuartinnejarnissaatitaanerup nammineq inuttullu naliliinermik tunngaveqarnissaai Ilisimatusarfip isornartorsiopaa, tamatuma sulisitsisup inuttut soqtigisaasa sulisup soqtigisaanut akornutaasinjaanerat nassatarisinnaammagu. *Naalakkersuisut tamatumunnga oqaatigissavaat oqaasertusarsinnaatitaaneq piumasaqaateqarfijungimmat. Sulisitsisup sulisullu akornanni oqaloqatigiittarnissami taaneqartumi sulisup pisariaqartitaanik qulaajaanissamik siunertaqarpoq, taamaalluni taanna suliffeqarfiup oqaatsinut politikkiliornieranut ilaatinnejarnissaaniassammat,*

taamaalillunilu sulisitsisoq sulisorlu taanna aallaavigalugu sulisup oqaatsinik atuartitsinermut peqataanissamut pisariaqartissinnaasaanik eqqartuillutilu isumaqatigiissuteqarsinnaanngorlugit.

GrønlandsBANKEN isumaqarpoq namminersorluni inuussutissarsiornermut aningaasaqarnikkut kingunerisinnaasaat eqqunngitsumik paassisutissiinerusoq, inatsisissatut siunnersummi § 5, imm. 2-mi sulisitsisoq pisussaatitaammat oqaatsinik aamma kalaallit kulturiannik, oqaluttuarisaanermik inuiaqatigiinnilu pissutsinik ilinniartitaanissamut pisariaqartitsinermik nalilersuinermenni aallaavigissagaat inuit ataasiakkaat inuttut pisariaqartitaat. *Naalakkersuisut tamatumunnga oqaatigissavaat tusarniaanerup kingorna aalajangersagaq peerneqarmat.*

Aalajangersakkanut ataasiakkaanut oqaaseqaatit

§ 1-imut

Oqaatsitigut akuunerulersitsinissamik nassuiaatip aalajangiunneranut atatillugu Naalakkersuisut pingaartissimavaat, kalaallit oqaasii tassaasut pisortatigoortumik oqaatsit. Tamanna tunuliaqutaralugu aalajangersagaq imaqarpoq siunertanik sisamanik oqaatsit pillugit politikkeqarnissamut sinaakkutaasinnaasunik.

Nr. 1-imut

Kalaallit oqaasiisa nukittorsarnerannut atatillugu Naalakkersuisut pingaartippaat, kalaallit oqaasiisa oqaatsitut nammineq ittutut, tamakkiisutut inuiaqatigiinnillu atatitsisutut akuerineqarnissaat, taaguusersuinermillu ineriartortitsineq pissasoq kalaallini oqartussat peqatigalugit, aamma oqaatsinik atuisut kalaallillu oqaasiisa tamakkiisumik ineriartornerat aallaavigalugit.

“Oqaatsit tamakkiisut inuiaqatigiinnillu atatitsisuusut”-nik taaguutip atugaanera aallaveqarpoq Nunat Avannarliit oqaatsinut politikki pillugu Nalunaarutaannit. Tassani allassimavoq: “Oqaatsit tamakkiisuneraat tamatumani isumaqarpoq, inuiaqatigiinnik ingerlatsinermi tamani atugaasinnaasut. Oqaatsit inuiaqatigiinnik atatitsisuusut isumaqarpoq inuiaqatigiinni oqaatsinik atuisuusuni taakku pisortatigut atugaasut – assersuutigalugu ilinniartitsinermi inatsisiliornermilu”.

Kalaallit oqaasiisa tamakkiisutut inuiaqatigiinnillu atatitsisutut qularnaarnissaannik kissaateqarneq taperserneqarpoq Kalaallit Nunaanni namminersorneq pillugu inatsisimmi § 20-mi, tessani aalajangersarneqarmat kalaallit oqaasii tassaasut nunatsinni pisortatigoortumik oqaatsit.

Nr. 2-mut

Kalaallit Nunaat inuiaqatigiiffiuvoq marlunnik - kalaallisut danskisullu - oqaaseqarfiusoq. Tassunga tunngatillugu Namminersornerusut pisussaaffeqarput kalaallit oqaasii taakkualu ineriartornerat nukittorsassallugit, ilitsoqqussaralugit oqaatsisut aamma oqaatsit aappaattut.

Oqaatsit aappaattut paasineqassapput oqaatsit inuup ilitsoqqussaralugit oqaaserinngisai, kisianni ulluinnarni inuaqatigiinnilu atugaasut.

Nr. 3-mut

Oqaatsinik ilinniartitsinikkut inuaqatigiinni oqaatsitigut aporfiusartut pinaveersimatinneqarsinnaapput, taamaalilluni innuttaasut oqaatsinik marlunnik arlalinnillu pisinnaasaat tassaalersinnaallutik nakuussutit pisuussutilu.

Nr. 4-mut

Inuaqatigiit imminnut nammattut pilersinniarlugit oqaatitsigut piginnaalernissaat ataavartumik siuarsarneqassapput.

§ 2-mut

Imm. 1

Inatsisartut 2006-imi (UPA2006/46) inatsisisstatut siunnersuummi matumani tunngaviusoq, aalajangererat immikkoortunut pingasunut sammisinneqarpoq ilaatigut imminnut tapertariissinnaasunut: kalaallisut ilinniarnissamik pisariaqartitsisut, danskisut tulutulluunniit ilinniarnissamik pisariaqartitsisut aamma kalaallit kulturiannik, oqaluttuarisaanerannik inuaqatigiinnilu pissutsinik ilinniarnissamik pisariaqartitsisut.

Kalaallit oqaasiinik ilinniarnissamik pisariaqartitsisut tassaapput innuttaasut tamarmik kalaallit oqaasiinik nalunngisassanik imaluunniit nalunngeqqaagassanik amigaateqartut.

Danskit tuluilluunniit oqaasiinik ilinniarnissamik pisariaqartitsisut pingartumik tassaapput, ilinniagaqartut inuillu inuussutissarsiutiminni immikkut danskit tuluilluunniit oqaasiinik piginnaasaqarnissaminnik piumasaqarfingeqartut.

Kalaallit kulturiannik inuaqatigiinnilu pissutsinik paasisimasassanik ilinniartitsineq annermik nunassisimasunut sammitinneqarpoq.

Imm. 2

Aalajangersakkap oqaasertalersornerani Naalakkersuisut maluginiarsimavaat, innuttaasut oqaatsinik ataasiinnarmik atuisut ilaat inuaqatigiit ingerlatitaaneranni peqataanissaminnut akimmiffeqartartut. Aamma ilinniagaqartut allamiut oqaasiinik piginnaasaasa pitsanggorsarnissaat annertuumik pisariaqartinneqarpoq, ilinniarfinni ilinniartitaanernut allamiut oqaasii atorlugit ilinniartitsiffiusunut isersinnaanissaat taakkuninngalu naammassinninnissaat periarfissikkumallugu.

Taamatuttaaq aalajangersakkami siunertaavoq suliffeqarfinni oqaatsitigut akuunerulersitsinerup nukittorsarneqarnissaa. Tamanna sulisut oqaatsitigut pisinnaasaminnik nukittorsaanissamut periarfissaqalererisigut, kiisalu kalaallit kulturiannik, oqaluttuarisaanerannik inuaqatigiinnilu pissutsinik ilinniartinneqarnissamut periarfissaqarnerisigut pissaaq.

§ 3-mut

Aalajangersakkami namminersorlutik oqartussat pisortatigut ingerlatsinermi inuiaqatigiinnilu tamani oqaatsinik atuinermut aalajangersaasinnaanerannut killigititassanik aalajangiivoq. Taamaalilluni aalajangersakkap nammineq oqaaserisanik nammineq inuttut atuisinnaaneq killilinngilaa. Allanik oqaloqateqarnermi oqaatsit suut atorneqassanersut inuup nammineq aalajangigassaraa. Akerlianilli Naalakkersuisut qularnaarniarpaat innuttaasut naammaginartunik oqaatsitigut piginnaasaqarnissaat, innuttaasut tamarmik inuiaqatigiit ingerlatitaaneranni peqataasinnaaqquullugit.

Imm. 1

Aalajangersarneqarpoq kalaallit oqaasii tassaasut Kalaallit Nunaanni pisortatigoortumik oqaatsit. Aalajangersagaq Kalaallit Nunaanni namminersornermik inatsimmi § 20-mik ingerlatiteqqinneruvoq, taamaattorli tamatuma pisortatigoortumik atorneqarnissaa ilanngullugu.

Imm. 2

Aalajangersarneqarpoq kalaallit oqaasii sumiorpaluutinik pingarnernik pingasunik pinnguit, tassaallutik sumiorpaluutit Avandersuarmi, Tunumi Kitaanilu atorneqartut.

Imm. 3

Aalajangersarneqarpoq danskit oqaasii pisortatigut ingerlatsinermi atorneqarsinnaasut. Aalajangersagaq taanna Namminersorneruneq pillugu inatsimmi § 9-mik ingerlatitseqqinneruvoq, taanna malillugu kalaallit oqaasii aamma danskit oqaasii pisortatigut ingerlatsinermi atorneqarsinnaapput. Sulianik ingerlatsineq pillugu inatsimmi § 7a-mi aalajangerneqarpoq, suliani peqataasoq kinaluunniit kalaallit oqaasii imaluunniit danskit oqaasii atorlugit sullinneqarnissaminik toqqaanissaminut kiffaanngissuseqartoq.

Imm. 4

Nunat Avannarliit Oqaatsit pillugit Isumaqtigiissutaat naapertorlugu Nunani Avannarlerni innuttaasut namminneq oqaatsitik atorlugit sullinneqarnissaannut, malittarisassaq akornusiinngilaq.

§ 4-mut

Imm. 1

Suliffeqarfiiit namminersortut ikinnerpaamik 10-nik, ulloq naallugu atorfinnut qulinut naaptuutunik atorfilitallit aammalu pisortatigut oqartussaasut, kiisalu pisortat suliffeqarfiaat oqaatsit pillugit politikkimik ilusilersuissapput. Aalajangersakkap pisortat oqartussaaffii suliffiutaallu aamma suliffeqarfiiit namminersortut oqaatsit pillugit politikkimik ilusiliinissamut pisussaaffilerpai. Suliffeqarfiiit namminersortut 10-t inorlugit sulisullit, oqaatsit pillugit politikkiliornissamut ilaatinneqanngillat, pinaveersaarniarlugu namminersorlutik suliffeeqqat naapertuitinngitsumik allaffissornikkut suliffiup angissusianut naleqqiullugu nammagassinnissaat.

Oqaatsit pillugit politikkimut ilaapput, pisortat suliffeqarfiillu oqaatsitigut piginnaaffiinik piginnaasassatullu anguniagaannik qitiutitsilluni tunaartarisassaliat. Aammattaaq oqaatsinut politikkimut imaritinneqarsinnaapput pisortat sullissivianni imaluunniit suliffeqarfiup suleriaasissaanut tunaartarisassat tigussaanerusut, assersuutigalugu avammut attaveqaqatigiinnermut nutserisitsisarnermullu naleqqiullugit.

Inatsisisstatut siunnersuummi aalajangersarneqarpoq oqaatsit pillugit politikkimik ilusiliinissamut pisussaaffik, kisiannili oqartussaaffimmut suliffeqarfimmulluunniit oqartussaaffiup suliffeqarfiulluunniit pisariaqartitai aallaavigalugit naleqqussaanissamut periarfissiisoqarluni.

Imm. 2

Erseqqissarneqarpoq nr. 1-miit 5-imut assersuutigineqartut tassaasut oqaatsit pillugit politikkimik ilusilersuinermut kaammattuutit, tassaanatillu oqaatsit pillugit politikkimut imarititassatut piumasaqaatit.

Nr. 1-imut

Oqartussaaffiup imaluunniit suliffeqarfiup oqaatsitigut piginnaasanik nalunaarsuineq, oqaatsitigut piginnaasanik oqartussaaffiup suliffeqarfiulluuniit pigeriigaanik ersersitsisinhaavoq. Taama nalunaarsuinermut imaritinneqarsinnaapput sulisorisat ilitsoqqussaralugu oqaasii, oqaasiisa aappaat allamiulluunniit oqaasiinik piginnaasaat pillugit paasissutissat, taakkununnga ilanngullugit teknikkikut oqaatsinik aamma suliamut tunngasumik taaguusersuutinik ilisimasaqassuseq. Aamma oqaatsitigut piginnaasanik nalunaarsuinerup imarisinnaavai sulisut ilinniagaqarnermikkut tunuliaqutarisaat kalaallit oqaasiini, danskit oqaasiini aamma allamiut oqaasiini.

Nr. 2-mut

Oqartussaaffiup suliffeqarfiullu ingerlatsineranni allamiut oqaasiinik kulturiinillu piginnaasanik atuinerup nassatarisinnaavaa sulisut ataasiakkaat ulluinnarni oqaatsitigut kulturikkullu piginnaasaannik ersersitsineq. Assersuutigalugu tassaasinhaapput sumiorpaluutinik ilisimasaqarneq, allamiut oqaasiinik allamiullu kulturiinik ilisimasaqarneq.

Nr. 3-mut

Oqartussaaffiup imaluunniit suliffiup oqaatsitigut avammut ersernera pisinnaavoq oqartussaaffiup suliffiulluunniit avammut attaveqarneratigut. Tamanna ersersinneqarsinnaavoq assersuutigalugu oqaatsit assiginngitsut - kalaallit oqaasii ilanngullugit - atorlugit sullissinermut, ilisaritinniarnermut nittarsaassinermullu atasumik.

Nr. 4-mut

Suliffiup iluani avammullu attaveqaqatigiinnermi najoqqutassat imarisinnaavaat, oqaatsit suut pisuni aalajangersimasuni atorneqarnissaat pillugit paasissutissat, tassunga ilanngullugit nutsikkanik teknikkikkulluunniit oqaatsinik sulisunut, sullitanut, atuisunut imaluunniit innuttaasunut naleqqussakkanik atuineq aamma oqaatsitigut aporaattoqalersillugu iliuusissanut tunaartarisassaliorneq.

Nr. 5-imut

Piginnaasassatut anguniakkat nalunaarsinnaavaat oqaatsinik aalajangersimasunik pisariaqartitsineq, sulisut oqaatsinik ilinniarnissaminut periaarfissaat, oqaatsitigut siammarterinermik isumaqatigiinniarnermillu ilinniartitsineq, kiisalu oqaatsitigut piginnaasassani inuup ataatsip oqaatsitigut ineriartornera pillugu isummerfiginninneq.

Imm. 3

Aalajangersakkami aalajangersarneqarpoq sulisitsisoq pisussaatitaasoq sulisuminik immikkut tassungaannarlu tunngasumik oqaloqatiginnissalluni oqaatsinik aamma kalaallit kulturiannik, oqaluttuarisaanermik inuaqatigiinnilu pissutsinik ilinniartitaanissamut pisariaqartitsisoqarnersoq.

Oqaloqatigiinnermi pineqartumi ilaatigut sulisup pisariaqartitaanik qulaajaanissaq taamalu ililluni pisariaqartitat taakku isumagineqarnissaannut suliniutinik aallartitsinissamut tunngavissaqalernissaq siunertaavoq. Tamatuma saniatigut siunertaavoq sulisunik tamarluinnarnik immikkut oqaloqatigiinnikkut suliffeqarfiup sulisoqarnermut politikkiliornissaanut tunngavissiilluarnissaq.

Oqaatsimi "immikkut tassungaannarlu tunngasumik" erseqqissarneqarpoq oqaloqatigiinneq sulisunik tamarluinnarnik immikkut pissasoq taamaallunilu sulisup pineqartup pisariaqartitaanut taamaallaat tunngalluni.

Oqaaseq "oqaatsinik atuartinneqarnissamik pisariaqartitsineq" isumaqarpoq aamma oqaatsini allani § 2, imm. 1-imi taaneqartunit allaanerusuni atuartinneqarnissamik pisariaqartitsisoqarsinnaasoq.

§ 5-imut

Imm. 1

Aalajangersakkami inuit Nunatsinni nunaqvissut kalaallisut, danskisut oqaatsinilu nunani tamalaani atorneqartuni oqaasertusarsinnaanissamut pisinnaatitaalerput, inuaqatigiinni inuunermut peqataasinnaanissaat ilitsoqqussaralugulu oqaatsiminnik atuillutillu ineriartortitsisinnaanissaat siunertaralugu.

Suliffeqarfinnut oqartussaasunullu pisussaatitsinerup saniatigut aalajangersagaq suliffeqarfiit oqartussaasullu inatsit qitiutillugu oqaatsinut politikkiliornissaanut tunngavoq.

Aalajangersakkami siunertaavoq inuit ataavartumik Nunatsinniittut oqaasertusarsinnaatitaanerannik aalajangersaanissaq, tamannalu najugaqvissuunissamik piumasaqaateqarnikkut killilersorneqarpoq. Tamatuma kingorna Naalakkersuisut suliffeqarnermi kattuffinnik susassaqartunillu attuumassutilinnik allanik suleqateqarlutik inatsisitigut pisinnaatitaanermik taassuminnga malinninnissamut pitsaanerpaaamik killiliussissapput taamaattumillu imm. 2-mi tamanna pillugu piginnaatitaaneq pillugu aalajangersakkamik ilangussisoqarpoq.

Aalajangersakkami sulisitsisut inuaqatigiillu aamma inuit ataavartumik Nunatsinniittuunngitsut oqaasertusarnissamik pisariaqartitsinerannik isumaginninnissaat mattunneqanngilaq. Taamaattumik suliffeqarfinnut oqartussaasunullu naapertuussinnaavoq oqaatsinut politikkimi sulisunullu

neqeroorutini inuit najugaqvissut inuillu najugaqarallartut isumagineqarnissaat, taakku oqaatsitigut atuartinneqarnissamik assigiinngitsunik pisariaqartitsisinnaammata. Inuit ataavartumik Nunatsinniittuunngitsut taamaalillutik aamma kalaallisut oqaatsinik, kulturimik inuiaqatigiinnullu tunngasunik paasiaqarnissamik immikkut pisariaqartitsisinnaapput.

Nunaqavissutut isigineqarneq paasineqassaaq inuit najugaannut tunngasumik allattuisarnermut inatsimmi aalajangersakkat, tamannalu maannakkorpiaq isumaqarpoq Kalaallit Nunaanni sivikinnerpaamik qaammatini 6-ini aalajangersimasumik najugaqarsimaneq. Tamatumalu Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi aamma Nunat Avannarliit oqaatsinut politikki pillugu Nalunaarutaanni najugaqarsimanissamik piumasaqaat assigaa. Tassa imaappoq inuit Kalaallit Nunaanni aalajangersimasumik najugallit pisariaqartitanik § 2, imm. 1-mi taaneqartunik ilinniarnissamut inatsisitigut pisinnaatitaaffeqarput. Tamatumattaq kinguneraa inuit qaammatit arfinillit inorlugit Kalaallit Nunaanni aalajangersimasumik najugallit taamatulli inatsisitigut pisinnaatitaaffeqannginnerat.

Oqaatsit nunat tamalaat akornanni atugassaasut assersuutigalugu tassaasinnaapput tuluit, Kinamiut imaluunniit Spaniamiat oqaasii.

§ 5, imm. 1 malillugu innuttaasut inatsisitigut piumasaqarsinnaanerat taamaalilluni tassaavoq, ilinniartitaanermik neqeroorutinik Namminersornerup ilinniartitaanermik aaqqissuussineq aqqutigalugu aamma kommunini kultureqarneq sunngiffillu pilligit peqqussutip atani naliqiissumik atugassaqartitsilluni neqeroorutaajunnartut allat aqqutigalugit neqeroorutigineqartunik atuisinnaanermut atatillugu piumasaqarsinnaaneq. Aammattaaq aalajangersakkap qularnaarpaa, innuttaasut suliffeqarfiillu assersuutigalugu namminneerlutik kalaallisut, qallunaatut oqaatsinilliunniillu suugaluartunik – nunarsuaq tamakkerlugu isumaqatigiissutinut imaluunniit Kalallit Nunaanni inatsisiliornermut ilaasutut isigineqarsinnaasunik – ilinniartitsinissamik neqerooruteqarsinnaatitaammata.

Siunnersuummi pingartoq tassaavoq, siunnersuut tassaanngimmat oqaatsinut politikkimik inaarutaasumik aalajangiinerup ersiutaa, akerlianilli tassaammat siunnersuutip matuma suliassaqarfiillu allat attuumassuteqartut iluanni ineriartortitseqqinnissamut tunaartarisassaq. Taamaammat siunnersuutip siunertaani kalaallit oqaasiisa oqaatsitut inuiaqatigiinni atatitsisutut, ilitsoqqussaralugu oqaatsitut oqaatsillu arlaattut nakussassarnissaat ineriartortinnissaallu tikkuarneqarput, kissaatigineqarlungilu marlunnik oqaaseqarneq arlalinnillu oqaaseqarneq inuiaqatigiinni nukitorsaatalissasut.

Oqaatsit pilligit politikkimik inatsisissatut siunnersuut nutaaliorneluvoq, tassami pisortat ingerlatsivii, pisortatut oqartussaasut kiisalu namminersorlutik ingerlatsisut aalajangersimasumik angissusillit maanna inatsisitigut piumaffigineqaleramik oqaatsinut politikkimik ilusiliinissaannik. Inatsisissatut siunnersuummi ersersinneqarput oqaatsinut politikkimut sinaakkutissaasut, Naalakkersuisulli siunertarinngilluinnarpaat, suliffeqarfiit pisortallu sullissivii oqaatsinut politikkip imarisassaanut kiisalu annertussusissaanut naleqqiullugu pisussaaffilerneqarnissaat. Oqaatsitigut politikkip inuiaqatigiinni tigussaasumik piviusungortikkiaortnera, sulisoqarnerup iluani kattuffiit suleqatigisallu naapertuuttut allat – inuiaqatigiit pisariaqartitaannik qulaajaaqataasinnaasut pisariaqartitallu matussuserneqarnissaannut peqataasinnaasut – suleqatigalugit.

Aalajangersakkut Naalakkersuisut suliffeqarnermi kattuffiit susassaqartullu attuumassutillit allat isumasioqatigalugit oqaasertusarsinnaatitaanerup, tassunga ilanngullugu pikkorissarnissamik atuartitsinissamillu neqeroorutit taakkununngalu peqataanissamut kiffaanngissuseqarnerup imm. 1-imti taaneqartut piviusunngortinnissaat pillugu malittarisassiornissamut piginnaatinneqarput.

Nalinginnaasumik nassuiaatini taaneqartutut inatsit tunngaviusumik inatsisaavoq, taamaattumillu Naalakkersuisut inatsisitigut pisinnaatitaaffinnik inatsimmi aalajangersarneqartunik piviusunngortitsinissamut erseqqissaataasunik malittarisassiorsinnaanissaat naapertuussorineqarpoq.

Piviusunngortitsinermi sulisitsisut sulisullu sunnerneqartussaammata erseqqissassallugu naapertuussorineqarpoq Naalakkersuisut allaffissornikkut najoqqutassaat tamanna pillugu suliffeqarnermi kattuffiit isumasioqatiginerisigut suliarineqassasut. Susassaqartut attuumassutillit allat ass. tassaasinnaapput kommunit, ilinniarfiit pikkorissartitsisullu, taakkununnga ilanngullugu Oqaatsinik Pikkorissarfik.

§ 6-imut

Imm. 1.

Aalajangersakkami aalajangersarneqarpoq Naalakkersuisut suliffeqarfiiit oqartussaasullu inatsimmik malinninnerannik nakkutilliisuusut, kiisalu Naalakkersuisut nakkutilliineq Namminersorlutik Oqartussani oqartussaasunut sullissiveqarfinnullu allanut tunniussinnaagaa.

Nakkutilliinermi pingaarnertut pineqassapput oqaatsinut politikkiliornissamut, kiisalu sulisup siunnersummi § 4 naapertorlugu oqaatsinik atuartinneqarnissamik pisariaqartitsinera pillugu sulisitsisup sulisullu akornanni oqaloqatigiinnissamut pisussaaffeqarneq.

Imm. 2.

Aalajangersakkami nakkutilliisoqarfiup nakkutilliisussaatitaanerminik isumaginninnissamut periarfissai aalajangersarneqarput. Ilaatigut oqaatsinut politikkiliornermut, kiisalu sulusumik oqaloqateqarsimanermut uppermarsaatit taaneqarnissaat, ilaatigullu paasissutissat paasissutissiisussaatitaanermik isumaginninnissamut pisariaqartinneqartut nakkutilliisumit pissarsiarineqarsinnaanissaat naapertuussorineqarpoq. Paasissutissat paasissutissiisussaatitaanermik isumaginninnissamut pisariaqartut ass. tassaasinnaapput suliffeqarfiiup sulusisa amerlassusaat, taakkununnga ilanngullugu taakku ulloq naallugu ullulluunniit ilaannaanut sulusuneri pilligit paasissutissat.

Imm. 3.

Aalajangersakkap aalajangerpaa Inatsisartut suliffeqarfii nakkutilliisussaatitaanermi ilanngunneqannginneri. Tunuliaqtaanut tunngasoq pillugu tak. siunnersummi nalinginnaasumik oqaaseqaatit. Aalajangersakkap nassataraa nakkutilliisussaatitaasup Inatsisartut suliffeqarfii imm. 2-mi taaneqartut aamma nakkutilliinermini periarfissaasut atorsinnaanngimmagit.

§ 7-imut

Imm. 1.

Aalajangersakkami aalajangersarneqarpoq oqaatsinut politikkiliornissaq kiisalu sulisitsisup sulisullu akornanni oqaloqatigiinnissamik § 4, imm. 3-mi taaneqartumik naammassinninnissaq pillugu aalajangersakkamik unioqqutitsineq akiliisitaassutigineqarsinnaasoq. Inatsisip sulinermi sunniutai eqqarsaatigalugit malittarisassanik taakkuninnga malinninnginnerup kinguneqartinneqarsinnaanissaq pisariaqarsorineqarpoq.

Imm. 2.

Aalajangersakkami aalajangersarneqarpoq tamatuma saniatigut pisussaaffiit § 6, imm. 2-mi taaneqartut malinneqanngippata akiliisitsisoqarsinnaasoq. Inatsisip malinneqarnissaanik nakkutilliineq eqqarsaatigalugu aalajangersagaq pisariaqarsorineqarpoq.

§ 8-mut.

Oqaatsinut politikkiliortoqannginnera oqaloqatigiinnerullu § 4, imm. 3-mi taaneqartup naammassineqannginnera pillugit naammagittaalliuutit nakkutilliisoqarfimmuit tunniunneqarsinnaanerat aalajangersakkami aalajangersarneqarpoq. Naammagittaalliornissamut killiliussinissaq naapertuussorineqanngilaq taamaammallu qaqugukkulluunniit naammagittaalliorqarsinnaavoq.

Oqaatigineqassaaq oqaasertusarnissamut pisinnaatitaanerup malinneqannginnera pillugu naammagittaalliorqarsinnaanngimmat. Tamanna inatsimmi pisinnaatitaanerup piviusunngortinnejnarerata aningasaqarnikkut sulisoqarnikkullu qaqugukkulluunniit periarfissat tunuliaqutaralugit pisariaqarneranik pissuteqarpoq.

§ 9-mut.

Imm. 1.

Atuutilernissaa aalajangerneqarpoq inatsit piaartumik atuutilernissaa anguniarlugu.

Imm. 2.

Aalajangersakkami suliffeqarfiit kingusinnerpaamik 1. april 2010-mi oqaatsinut politikkiliornissamut periarfissinnejnarput. Suliffeqarfiit oqartussaasullu oqaatsinut politikkiliornissamut pisussaaffillit inatsisip atuutilernerata kingorma tamatumunnga piareersarnissamut piffissaqarnissaat naapertuussorineqarpoq. Taamaalilluni atuuffiata nikinganeratigut oqaatsinut politikkiliornermik sulinissaq naapertuuttumillu imaqtitsinissaq pillugu ilitsersuusiortoqarsinnaalissaq, kiisalu suliffeqarfiit oqartussaasullu oqaatsinut politikkiliunnginnermi sulisunik oqaloqateqarnissamut periarfissinnejnarlutik.